

DECLARATION ^{no. 8} DV ROY

Confirmative des Edicts de Pacification, & les Assemblées de Castel ieloux & Orthes approuuées.

*Donnée à Amboise le 24. May 1629. Et
Verifiée à Paris en Parlement le 5.
Juillet audit An.*



A PARIS,
Par A. ESTIENNE, Premier Imprimeur &
Libr. ordinaire du Roy, rue S. Jacques, au
College Royal, deuant S. Benoist.

M. DC. XLIV.
Avec Privilège de sa Maiefté.

DECLARATION


BY ROY

That the said Declaration
shall be read in the Court
of the said Lord High Treasurer
at the next Assizes to be held
at the County of Middlesex
at the City of London

And that the said Declaration
shall be read in the Court
of the said Lord High Treasurer
at the next Assizes to be held
at the County of Middlesex
at the City of London



Witness my hand at the City of London
the 10th day of June 1688



LO V I S par la grace de Dieu, Roy de France, & de Nauarre, A tous ceux qui ces presentes Lettres verront, salut: Nostre intention a tousiours esté de faire entretenir & faire obseruer soigneusement à nos subiets faisans profession de la Religion pretendue reformee, la grace, concession, & aduantage, que le feu Roy nostre tres-honoré Seigneur & Pere leur a octroyé par l'Edit de Nantes, & par les Breuets & declarations qui s'en sont ensuiuies, & qui ont esté depuis par nous confirmées: Aussi auons nous desiré que de leur partils se continissent à l'observation du mesme Edit, & des Loix & Ordonnâces de ce Royaume, pour viure dans iceluy avec la mesme fidelité, & obeyssance, que font tous nos autres subiets. Et quand ils se sont emancipez de faire quelque action contraire à leur deuoir, nous auons esté obligez de leur faire connoistre le ressentiment que nous en auons eu, & de faire sur ce suiet les Declarations, & autres Lettres Patentes, telles que nous les auons iugez necessaires, sur les occurrences qui se presentoiēt, comme nous fismes au mois d'Auril de l'annee derniere, estans aduertis qu'aucuns d'entre eux, s'ingeroient contre & au preiudice de nosdits Edits & Declarations de conuoyer, & tenir des Assemblies illicites, & par nous deffendues, & que mesme ils en auroient as-

4
signé, vne de diuerses Prouinces en la ville de Castel-ieloux en Guyenne. Nous fismes expedier nos Lettres Patentes du 20. dudit mois, par lesquelles nous declarasmes ladite Assemblée, & toutes celles qui se tenoient par eux, autres que celles qui leur sont permises, estre illicites, & contre nostre autorité, & seruice : & comme telles les deffendismes sur peine de desobeyssance. Du depuis ayans encore eu aduis, que ceux-là mesmes qui auoient proietté de faire ladite Assemblée à Castel-ieloux se trouuans empeschez à l'occasion de nostredite Declaration, s'estoient resolus de la conuoker hors du ressort de nostre Parlement de noudeaux, & l'assigner à Orthes en Bearn pour s'y pouoir tenir avec plus de liberté. Nous aurions fait expedier vne Declaration du 21. du mois de May ensuiuant, par laquelle nous aurions déclaré nostre volonté estre, qu'à la poursuite & sollicitation de nos Procureurs Generaux, & leur Substitués il fut procedé extraordinairement, par nos Iuges & autres Officiers qui se trouueroient sur les lieux à l'encontre de ceux qui auroient esté auteurs, & se seroient trouuez en ladite Assemblée qu'on dit estre conuquee en Bearn, & toutes autres illicites deffendues par nosdits Edits comme infracteurs de nos Edits, & perturbateurs du repos public. Ce qui n'auroit pourtant empesché la tenuë de ladite Assemblée, & que mesme ils ne l'ayent depuis transferee en nostre ville de la Rodi, de quoy nous aurions à present iuste subiet d'indignation n'estoit que lors de ce dernier mouuement ceux qui se retrouvèrent

en ladite Assemblée, recognoissants qu'aucuns de nos subiets se vouloient seruir du nom de la Royne nostre tres-honoree Dame & Mere, pour troubler le repos de nostre Royaume, & chercher leur aduantage au preiudice de nostre autorité, & du bien de nostre seruice, & que mesme ils estoient suscitez & recherchez pour se ioindre à ceux qui auroient ces mauuaises intentions, ils tesmoignerēt en cette occasion la fidelité & affectiō qu'ils auoient à nostre seruice, & que s'ils auoient failly en s'assemblant au preiudice de nos deffences, ils n'auoient pourtant eu aucune intention de nous desseruir, nous ayant enuoyé sur cette occurrence leurs Deputez, pour nous asseurer, & protester de leur fidelité, obeyssance, & deuoir à nostre seruice, & nous supplier de les honorer de nos commandemens. Ce qu'ayant bien cogneu, & consideré, nous nous resolusmes deslors d'ouyr benignement leursdits Deputez, & ensuite oublier la faute qu'ils auoient auparauant commise, par ladite Assemblée, Ce que voulans effectuer, A ces causes, apres auoir mis cette affaire en deliberation, en nostre Conseil, où assistoient plusieurs Princes, Ducs, Pairs, & Officiers de nostre Couronne, de l'aduis d'iceluy, & de nostre certaine science, pleine puissance, & autorité Royale, disons, & declarons, voulons & nous plaist, que nosdits subiets qui se sont trouuez esdites Assemblies tenues esdites villes d'Orthes, & la Rody, ensemble ceux qu'ils y ont deputez, ne puissent estre inquietez, molestez, ny recherchez à cette occasion, ains qu'ils en demeurent entierement

deschargez, & que chacun d'eux se puisse retirer en toute seureté, & liberté en sa maison, & aux lieux de leurs residences, nonobstant lesdites Declarations cy-dessus mentionnees, & tous Arrests & Jugemens qui pourroient auoir esté donnez en suite d'icelles, Voulons que si aucuns d'entre eux auoient esté pris & arrestez, ou leurs biens saisis à l'occasion susdite, qu'il leur en soit donné pleine & entiere main levée, ayant pour les considerations susdites, assoupis & mis en oubly, la faute qui pouroit en cela auoir esté commis, & dõt nous imposons silence perpetuelle à nos Procureurs Generaux, leurs Substituts, & tous autres, auxquels neantmoins nous mandons & enioignons de tenir la main à l'execution, & obseruation de nosdits Edicts & Declarations. Si donnons en mandement, à nos amez & feaux Conseillers, les gens tenans nostre Cour de Parlement à Paris, que ces presentes ils fassent lire publier & enregistrer, garder & observer exactement, & du contenu en icelles iour, & vser nosdits subiects de la Religion pretendue reformée plainement & paisiblement sans permettre ny souffrir qu'il leur soit fait iniure ou donne aucun trouble, ou empeschement au contraire. Car tel est nostre plaisir, en tesmoing de quoy nous auons fait mettre nostre seil à ces presentes, Donné à Amboise le 24 iour de May, l'An de grace 1619. & de nostre regne le dixiesme, Signé L O V I S, & sur le Reply, par le Roy, De L O M E N I E & seillée sur double queue en cire ianne du grand seau.

Registrée, ouy le Procureur General du Roy à Paris en Parlement le 15. iour de Iuillet 1619. Signé. GALLART.

